

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05) i Odluke o odobravanju realizacije programa pomoći održivog povratka „izgradnja i sanacija infrastrukturnih i drugih objekata od značaja za širu društvenu zajednicu u mjestima povratka na prostoru Bosne i Hercegovine u periodu 2022 i 2023 godine“ broj: 03-32-3-260/21 od 08.11.2021. godine, a u cilju planiranja, kvalitetne izrade i transparentne provedbe planova pomoći održivog povratka u 2022. i 2023. godini, Federalno ministarstvo raseljenih osoba i izbjeglica objavljuje

JAVNI POZIV

za podnošenje prijave za programe pomoći održivog povratka „Izgradnja i sanacija infrastrukturnih i drugih objekata od značaja za širu društvenu zajednicu u mjestima povratka na prostoru Bosne i Hercegovine u periodu 2022. i 2023 godine“

1. Predmet javnog poziva

Predmet ovog Javnog poziva jeste podnošenje *prijava/zahtjeva, aplikacija/projekata* radi pružanja pomoći u realizaciji projekata izgradnje i sanacije infrastrukturnih i drugih objekata od značaja za širu društvenu zajednicu u mjestima povratka u Bosne i Hercegovini, za sljedeće programe:

- 1) **putne infrastrukture**; (putevi, mostovi, potporni i zaštitni zidovi, kružni tokovi, parkirališta, pješačke i biciklističke staze, sanacija klizišta i sprječavanje erozije, itd.)
- 2) **komunalne infrastrukture**; (vodovod i kanalizacija, javna rasvjeta, energetske i komunikacijske mreže, plinske i niskonaponske mreže, itd.)
- 3) **objekata vjerskog i sakralnog karaktera**; (vjerski objekti, memorijalni kompleksi i spomen obilježja, mrtvačnice-gasulhane, groblja-mezarja, prateći objekti, itd.)
- 4) **objekata obrazovnog, sportskog i kulturnog karaktera**; (predškolski objekti, školski objekti, dječija igrališta i igraonice, školsko-sportske dvorane i igrališta, itd.)
- 5) **ostali objekti od značaja za širu društvenu zajednicu**; (domovi kulture, društveni domovi, biblioteke, zdravstveni objekti, muzeji i slični objekti društvene namjene, povećanje energetske efikasnosti objekata, fasade objekata, zamjena otvora i krovova, sistemi grijanja i hlađenja, itd.)
- 6) **zajednički međuentitetski i međuopćinski projekti i zajednički projekti sa vladinim i nevladinim organizacijama** (podrška obnove i izgradnje putne infrastrukture u dijelovima između entiteta, pomoći u obnovi i opremanju objekata obrazovnog, sportskog i kulturnog karaktera, te ostalih objekata od značaja za širu društvenu zajednicu, kao i podrška organiziranja raznih sportskih, kulturnih i drugih manifestacija).

2. Opći ciljevi Javnog poziva

Opći cilj ovog Javnog poziva je podrška realizaciji prioriteta i inicijativa na lokalnom nivou koji imaju za cilj da doprinesu održivom povratku i razvoju lokalne zajednice u smislu poboljšanja lokalne infrastrukture i kvaliteta života u povratničkim sredinama, te proizvodnoj, socijalnoj i demografskoj revitalizaciji potpomognutih područja radi uravnoteženog razvoja svih krajeva Bosne i Hercegovine.

3. Pravo učešća

Prijavu na Javni poziv mogu podnijeti:

Organi vlasti, jedinice lokalne samouprave, mjesne zajednice, institucije i vjerske zajednice, te udruženja čije su programske aktivnosti usmjerene na proces povratka i njegovu održivost.

Prednost će imati projekti koji su visokog stepena zrelosti i prioritetni za implementaciju, projekti kojima će ciljana grupa-povratnici imati direktnu korist.

Projekat treba da dolazi iz povratničke sredine, te direktno doprinosi boljem kvalitetu života povratnika.

Povratnička sredina je pojam koji se koristi da označi regiju/naseljeno mjesto/grad u koje su vratili se manjinski povratnici u entitet Republika srpska, manjinski povratnici u entitet Federacija Bosne i Hercegovine i lica koja su vratila se u ranije mjesto življenja a imaju priznat status raseljene osobe na prostoru Federaciji Bosne i Hercegovine, odnosno lica koja su imala priznat status raseljene osobe na prostoru Federacije Bosne i Hercegovine.

4. Finansijska sredstva

- 1) Maksimalna vrijednost finansiranja jednog projekta od strane ministarstva iznosi 300.000,00 KM.
- 2) Maksimalna vrijednost finansiranja jednog projekata od strane ministarstva je 100.000,00 KM ako je projekat apliciran od strane Udruženja.
- 3) Maksimalna vrijednost finansiranja po svim projektima za područje jedne Općine/Grada iznosi 1.000.000,00 KM na godišnjem nivou.
- 4) izuzetno, u slučaju opravdane potrebe moguća su odobravanja i drugih iznosa.

5. Broj prijavljenih zahtjeva

- 1) Jedan podnosioc zahtjeva može dostaviti više od jednog zahtjeva u okviru ovog Javnog poziva, u tom slučaju se moraju predati odvojene aplikacione forme i dokumentacija uz svaku od njih.
- 2) Za svaki projekat se podnosi posebno aplikacija.
- 3) Maksimalni broj aplikacija za području jedne Općine/Grada koji će biti prihvaćeni i objavljeni na Konačnoj Rang listi potencijalnih projekata iznosi:
 - a) 20 zahtjeva sa najviše bodova za projekte iz grupe 1-programa pomoći,
 - b) 5 zahtjeva sa najviše bodova za projekte iz grupe 2-5 programa pomoći,
 - c) 10 zahtjeva sa najviše bodova za projekte iz grupe 6 programa pomoći,

Ostali projekti će biti na Preliminarnoj Rang listi projektnih prijedloga sa mogućnosti napredovanja na listi u skladu sa aktuelnim i promjenjenim stanjem zahtjeva.

6. Opći kriteriji

Prijava na javni poziv obavezno treba da sadrži slijedeće dokumente:

- 1) Čitko popunjenu, potpisanu i ovjerenu prijavu na javni poziv na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Terezija 56. Sarajevo;
- 2) Ovjerenu kopiju akta o registraciji ako prijavu podnose udruženja.
- 3) Ovjerenu kopiju Statuta ako prijavu podnose udruženja.
- 4) Preporuka realizaciji projekta (*koji bi se efekti/benifiti ostvarili u slučaju realizacije projekta, značaj projekta za zajednicu i šire, učešće zajednice u realizaciji projekta kroz sufinansiranje ili radove, i dr.*). Preporuka mora biti u originalu ili ovjerena kopija.
Preporuka se prihvata ako je izdata od strane lokalne zajednice (općine/grada), a kod aplikacije organa vjerskih zajednica, preporuka se prihvata ako je izdata od višeg nivoa vjerske zajednice.
Ako aplikaciju podnosi Općina/Grad, preporuka nije eliminirajuća.
- 5) Kopiju predračuna koji tačno odgovara vrijednosti zahtjeva

7. Posebni kriteriji

Dokazi iz posebnih kriterija nisu obavezni, ali će se na osnovu istih izvršiti vrednovanje aplikacija:

1) Izjava o sufinansiranju sa dokazima

Sufinansiranje pojedinačnih projekata u procentualnom iznosu od ukupne vrijednosti projekta; Bodovati će se samo finansijska učešća u sufinansiranju uz potrebne dokaze. Nefinansijski doprinos se neće uzeti u obzir kao kompenzacija navedenog iznosa sufinansiranja kojeg treba osigurati podnosilac zahtjeva.

Dokazi koji se priznaju: Izjava Opštine/Općine/Grada, budžet Opštine/Općine/Grada sa naznakom projekta, okvirni budžet Opštine/Općine/Grada sa naznakom projekta.

Dokazi za ostale podnosioc zahtjeva su Izjava o spremnosti sufinansiranja projekta sa obaveznim prilogom:

-Izvod iz banke sa dokazom u visini sredstava za sufinansiranje projekta

-ostali izvori prihoda za sufinansiranje projekta: Potpisani ugovori/memorandumi/sporazumi o saradnji sa partnerima koji učestvuju u realizaciji projekta, pismo podrške ili Odluka o dodjeli sredstava i sl., kao dokaz o obezbjeđenju sredstava iz drugih izvora

Navedeni dokazi moraju biti originali ili ovjerene kopije.

Izjava mora biti ovjerena i potpisana i u formi koju je propisalo ministarstva. Ista se može preuzeti na web stranici ministarstva.

2) projektno tehnička dokumentacija:

građevinska dozvola, urbanistička saglasnost i ostala odobrenja potrebna za realizaciju projekta izdata od nadležnih organa (navesti najviši nivo dokumentacije koju podnosilac zahtjeva posjeduje te dostaviti kopije);

Nije potrebno dostavljati cjelokupne projekte, potrebno je iskopirati Naslovnu stranicu, i konkretni predračun radova koji odgovara vrijednosti zahtjeva, može se dostaviti projekat u elektronskom obliku.

3) izjava/potvrda o broju povratničkih domaćinstava/povratnika kojima će projekat koristiti.

4) Zrelost projekta - očekivani rezultati realizacije projekta i procjena mjerljivih efekata koji idu u prilog stvaranju preduslova za kvalitetniji i sadržajni život povratnika u mjestu povratka.

Navedeni podaci (očekivani rezultati) mogu se dostaviti u posebnoj izjavi, ili će se vrednovati na osnovu izjava iz posebnih kriterija (redni broj 1 i 3) ili iz podataka sadržanih u projektnoj dokumentaciji, idejnom i glavnom projektu. U slučaju da se dostavi posebna izjava, ista treba biti ovjerena i potpisana od strane odgovorne osobe.

Zrelost projekta: projekat će po završetku projektnih aktivnosti biti u funkciji; radovi na projektu su u toku; proveden postupak nabavke i sklopljen ugovor s izvođačem radova; postupak nabavke u pripremi (pripremljena tehnička dokumentacija i dokumentacija za provođenje postupka nabavke); projektno-tehnička dokumentacija u pripremi. Fotodokumentacija postojećeg stanja objekta (najmanje tri karakteristične fotografije)

Napomena: Obrasci Izjave pod 1., i 3. trebaju biti popunjene i ovjerene te predstavljaju sastavni dio obrasca za prijavu na javni poziv, od strane odgovorne osobe.

8. Način izbora projekata

Izbor projektnih prijedloga i podnosilaca zahtjeva, tj. potencijalnih korisnika po osnovu ovog Javnog poziva će vršiti Komisija koju će imenovati federalni ministar raseljenih osoba i izbjeglica.

Komisije će razmatrati prijave u skladu sa "Procedurama za izbor potencijalnih korisnika za programe pomoći održivog povratka „Izgradnja i sanacija infrastrukturnih i drugih objekata od značaja za širu društvenu zajednicu u mjestima povratka u Bosni i Hercegovini za 2022 i 2023 godinu“, koje će donijeti federalni ministar raseljenih osoba i izbjeglica, te u skladu sa odredbama ovog Javnog poziva.

Komisija zadržava pravo provjere tačnosti podataka iz aplikacije na javni poziv, te u slučaju da utvrdi da podaci nisu tačni može predmetnu aplikaciju odbaciti kao neurednu.

9. Objavljivanje rang listi potencijalnih korisnika pomoći

Preliminarne, a nakon žalbenog postupka i konačne rang liste, po ovom javnom pozivu će biti objavljene na web stranici Federalnog ministarstva raseljenih osoba i izbjeglica www.fmroi.gov.ba, a obavijest o donošenju Odluke i u dnevnom listu u kojem je objavljen ovaj javni poziv.

10. Dostavljanje prijave na javni poziv

Podnosilac prijave obavezno popunjava sve rubrike Prijavnog obrasca i Prijedloga projekta/programa, označuje ponuđene opcije upita i odgovara za vjerodostojnost svih unesenih navedenih podataka. Samo ovako uneseni podaci će se koristiti prilikom vrednovanja prijave.

Nepotpune, neuredne i neblagovremene prijave neće biti predmet daljeg razmatranja.

Prijave na Javni poziv će se bodovati na osnovu dostavljenog Prijavnog obrasca, uz uvid u priloženu dokumentaciju.

Obrazac prijave na javni poziv zajedno sa obrascima izjava su dostupni na web stranici Ministarstva www.fmroi.gov.ba, ili se mogu preuzeti lično u prostorijama Ministarstva na adresi Terezija 56. Sarajevo.

Dostavljanje prijava na javni poziv se vrši **preporučeno poštom** na adresu:
Federalno ministarstvo raseljenih osoba i izbjeglica,
Hamdije Čemerlića 2, 71000 Sarajevo

sa naznakom: **Prijava na Javni poziv iz programa održivog povratka „izgradnja i sanacija infrastrukturnih i drugih objekata od značaja za širu društvenu zajednicu u mjestima povratka na prostoru Bosne i Hercegovine za 2022 i 2023 godinu“**
(Na poleđini koverta obavezno navesti naziv podnosioca prijave, tačnu adresu i broj telefona)

Rok za dostavljanje prijava na javni poziv ostaje otvoren od dana objave Javnog poziva u dnevnim novinama i web stranici Ministarstva do 31.12.2021. godine.

Nepotpune i neblagovremene prijave neće se uzimati u razmatranje.

Dodatne informacije mogu se dobiti na tel: 033/215-084, kontakt osobe Adis Kirlić i Amra Tabaković, i na web stranici Federalnog ministarstva raseljenih osoba i izbjeglica www.fmroi.gov.ba

11. Napomena

Prijave/molbe/zahtjevi/projekti potencijalnih korisnika sa područja Federacije BiH i Republike Srpske koji se nalaze na utvrđenim rang listama potencijalnih korisnika pomoći proisteklih iz svih prethodnog Javnog poziva iz programa održivog povratka „Izgradnja i sanacija infrastrukturnih i drugih objekata od značaja za širu društvenu zajednicu u mjestima povratka na prostoru Bosne i Hercegovine za 2020. i 2021.g. se neće nastaviti rješavati nakon objavljivanja konačnih rang listi po ovom Javnom pozivu, odnosno sve navedene prijave/molbe/zahtjevi/projekti će se smatrati nevažećim.

MINISTAR

dr.sci. Edin Ramić

Broj: 03-32-3-260-1/21
Sarajevo, 15.11.2021. godine